

Perkhemahan Cuti Sekolah PERMATApintar™ Negara Universiti Kebangsaan Malaysia Johns Hopkins University Center for Talented Youth



LATAR BELAKANG

Bagi menampung keperluan pembelajaran pelajar pintar cerdas di Malaysia, Pusat PERMATApintar™ Negara, Universiti Kebangsaan Malaysia telah merangka satu program pengayaan dan pecutan yang dapat mencabar minda pelajar pintar cerdas. Program pengayaan dan pecutan ini dikenali sebagai program Perkhemahan Cuti Sekolah PERMATApintar™ Negara - Universiti Kebangsaan Malaysia, Johns Hopkins University - Center for Talented Youth (PCS PPN-UKM JHU-CTY) kerana dijalankan pada musim cuti persekolahan akhir tahun iaitu dalam bulan November dan Disember. Asas kepada pembinaan program Perkhemahan Cuti Sekolah ini ialah Falsafah Pendidikan Negara yang menekankan kepada perkembangan holistik pelajar dari aspek jasmani, emosi, rohani, intelek dan sosial pelajar.

Program yang dijalankan dalam tempoh 3 minggu ini dikendalikan oleh pengajar, pembantu pengajar dan pembantu pelajar yang dilatih khusus oleh pengajar Universiti Kebangsaan Malaysia yang telah mendapat latihan di Johns Hopkins University - Center for Talented Youth. Sepanjang perkhemahan, pelajar didedahkan dengan aktiviti akademik, aktiviti kokurikulum berbentuk kesenian dan sukan, program-program kerohanian mengikut agama masing-masing dan lawatan sambil belajar.

Pelajar yang terpilih berumur antara 9-15 tahun dari pelbagai bangsa dan latar sosio-budaya dan telah melalui Ujian PERMATApintar™ UKM1 dan UKM2. Ini menjadikan program ini sebagai satu program yang benar-benar melambangkan konsep satu Malaysia yang telah diketengahkan oleh YAB Perdana Menteri Malaysia, Dato Seri Najib Tun Razak. Pelajar akan mengikuti salah satu daripada 15 kursus yang ditawarkan.

Perkhemahan ini mengambil pendekatan yang melibatkan program pengayaan dan pecutan bagi menyediakan pelajar pintar cerdas peluang untuk melakukan pembelajaran sepanjang hayat. Objektif perkhemahan ini adalah untuk:

1. Mengembangkan bakat dan kebolehan sedia ada pelajar.
2. Mengasah potensi pelajar secara holistik.
3. Mengembangkan kemahiran pelajar.
4. Memupuk pembelajaran sepanjang hayat.

Oleh itu, perkhemahan ini menyediakan kursus-kursus yang mencabar minat pelajar pintar cerdas yang tidak diajar di sekolah. Kursus-kursus ini adalah seperti:

- | | |
|--|---------------|
| a. Menjadi Saintis (<i>Be a Scientist</i>) | 9 Tahun |
| b. Penaakulan Mantik (<i>Mathematic Reasoning</i>) | 10 Tahun |
| c. Rekacipta (<i>Invention</i>) | 11 Tahun |
| d. Penulisan dan Imiginasi (<i>Writing and Imagination</i>) | 11 - 12 Tahun |
| e. Pengenalan kepada Robotik (<i>Introduction to Robotic</i>) | 12 Tahun |
| f. Robotik Lanjutan (<i>Advance Robotic</i>) | 13 Tahun |
| g. Mengarang Penulisan (<i>Crafting the Essay</i>) | 13 Tahun |
| h. Sains Forensik (<i>Crime Scene Investigation</i>) | 13 Tahun |
| i. Kriptologi (<i>Cryptology</i>) | 14 Tahun |
| j. Sains Penerbangan (<i>Flight Science</i>) | 14 Tahun |
| k. Kebarangkalian dan Teori Permainan (<i>Probability and Game Theory</i>) | 14 Tahun |
| l. Kristal dan Polimer (<i>Crystal and Polymer</i>) | 15 Tahun |
| m. Teknologi Hijau (<i>Green Technology</i>) | 15 Tahun |
| n. Rekacipta Lanjutan (<i>Advance Invention</i>) | 15 Tahun |
| o. Bioteknologi (<i>Biotechnology</i>) | 15 Tahun |
| p. Biologi Pecutan (<i>Fast-Paced Biology</i>) | 15 Tahun |
| q. Multimedia Kreatif (<i>Creative Multimedia</i>) | 15 Tahun |



PRINSIP YANG MENDASARI PERKHEMAHAN CUTI SEKOLAH

Semasa Perkhemahan Cuti Sekolah, pihak pengurusan Pusat PERMATApintar™ Negara akan memastikan setiap pelajar akan bertingkah laku secara bersesuaian setanding dengan keperluan pusat mengikut perkara-perkara berikut:

- Kod Kehormatan Pusat PERMATApintar™ Negara (Code of Honor)**
Setiap pelajar pintar cerdas perlu mempunyai rasa hormat, bertanggungjawab dan saling mempercayai. Untuk membina komuniti sedemikian, setiap individu yang wujud dalam komuniti tersebut perlulah:
 - Melakukan yang terbaik dalam semua aktiviti akademik
 - Bertoleransi dan menghormati perbezaan kaum, budaya, agama, gender, usia, keupayaan dan negeri kelahiran.
 - Bertingkah laku secara mesra, bekerjasama, selamat dan bertanggungjawab terhadap semua yang ada dalam komuniti
 - Menghadiri semua sesi pembelajaran, makan bersama, aktiviti-aktiviti lain dan perjumpaan yang telah ditetapkan
 - Bertanggungjawab di atas kerja dan tingkah laku sendiri
 - Sentiasa bekerjasama dengan pihak pengurusan
 - Mematuhi setiap peraturan yang telah ditetapkan oleh pihak pengurusan

- Perbezaan Sifar (Zero Indifference)**
Setiap individu yang berada dalam komuniti ini perlu bekerja tanpa memberi layanan yang berbeza antara satu sama lain. Setiap mereka harus di layan dengan saksama, penuh rasa hormat dan mesra. Apabila membincangkan konsep Bekerja Tanpa beza ini, Pusat PERMATApintar™ Negara mempunyai 3 matlamat:
 - Meningkatkan kesedaran kakitangan tentang tingkahlaku pelajar yang boleh mengganggu proses pembelajaran

- Membenarkan kakitangan (termasuk guru dan pihak pengurusan) mengambil tindakan terus (mengikut peraturan yang telah ditetapkan) untuk menghentikan sebarang tingkahlaku membuli yang boleh menghalang proses pembelajaran berkesan.**
- Meningkatkan kesedaran untuk semua kakitangan dan pelajar supaya sentiasa berkomunikasi secara berhemah tanpa membuat orang lain berasa terasing atau disingkir baik secara fizikal atau psikologikal.**

- Persekitaran Pembelajaran yang Selamat**
Pelajar-pelajar perlu diberikan satu persekitaran pembelajaran yang boleh membuatkan mereka rasa selamat dan dihargai. Kajian-kajian lepas menunjukkan wujud hubungan yang positif antara rasa selamat dengan pencapaian akademik yang diperolehi oleh pelajar-pelajar di sekolah.

JADUAL HARIAN

JADUAL HARIAN (ISNIN - JUMAAT)	
Masa	Aktiviti
5.00 am - 5.30 am	Bangun pagi,
5.30 am - 7.00 am	Solat Subuh, tazkirah/ moral
7.00 am - 7.45 am	Sarapan pagi
7.45 am - 8.30 am	Pelajar ke Kelas
8.30 am - 10.00 am	Kelas / Makmal
10.00 am - 10.15 am	Rehat / Minum Pagi
10.15 am - 12.30 pm	Kelas / Makmal
12.30 pm - 1.15 pm	Rehat /Makan Tengahari / Solat
1.15 pm - 2.00 pm	Solat Zuhur
2.00 pm - 4.00 pm	Kelas / Makmal
4.00 pm - 4.20 pm	Rehat/Minum Petang
4.20 pm - 5.00 pm	Solat Asar
5.00 pm - 5.30 pm	Bertolak balik ke kolej
5.30 pm - 6.30 pm	Aktiviti Riadah
6.30 pm - 7.30 pm	Makan Malam
7.30 pm - 9.00 pm	Solat Maghrib / tazkirah / solat Isyak / moral
9.00 pm - 9.30 pm	Minum (Sek.Rendah)
9.00 pm - 10.00 pm	Sek. Menengah (Kelas Persediaan) - tertakluk kepada kursus tertentu
9.30 pm - 5.00 am	Tidur (Sek. Rendah)
10.00 pm - 5.00 am	Minum (Sek. Menengah)
10.30 pm - 5.00 am	Tidur (Sek. Menengah)

JADUAL HARI SABTU DAN AHAD	
Hari	Aktiviti
Sabtu dan Ahad	Aktiviti - perancangan Pengurus Pelajar dengan Pembantu pelajar
4 /12/ 2011	Hari Lawatan Ibubapa



Pusat
PERMATApintar™
Negara
Universiti Kebangsaan Malaysia

UNIVERSITI
KEBANGSAAN
MALAYSIA
*The National University
of Malaysia*

Untuk maklumat lanjut, sila hubungi:

Ketua Unit Program Perkhemahan Cuti Sekolah,
Pusat PERMATApintar™ Negara,
Universiti Kebangsaan Malaysia,
43600 UKM, Bangi,
Selangor Darul Ehsan.

Tel: 03-8921 7521/ 7524
Fax: 03-8921 7525
Laman Sesawang: www.permatapintar.edu.my
E-mel: permatapintar@ukm.my